

**Ո Ր Ո Շ ՈՒ Մ N 111/6**  
**/վարչական տույժ նշանակելու մասին/**

«26» հուլիսի 2021թ

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ Դավիթ Բեգինյանս, քննելով Քաջիկ Խաչատուրի Մինասյանի (անձն. AS0539698, քաղաքացիությունը՝ ՀՀ, ծնված՝ 01.01.1966թ. հասցե՝ 0096 ՀՀ Երևան Մոլդովական փ. շենք 3, բն.103) կողմից մաքսային կանոնների խախտման վերաբերյալ գործը.

**Պ Ա Ր Զ Ե Ց Ի**

ՀՀ քաղաքացի Քաջիկ Մինասյանի կողմից 02.06.2021թ. թիվ 05100033/020621/0017366 տարանցման հայտարարագրով ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնում ձևակերպվել է տրանսպորտային միջոց, նշանակման մաքսային մարմին է սահմանվել ՀՀ ՊԵԿ Հյուսիսային մաքսատուն-վարչություն, վերջնամկետը՝ 12.06.2021թ., սակայն նշված տրանսպորտային միջոցը և ուղեկցող փաստաթղթերը սահմանված ժամկետում չի հասցվել նշանակման վայր:

ՀՀ ՊԵԿ Արևելյան մաքսատուն վարչության Բագրատաշենի մաքսային կետ-բաժնի գլխավոր մաքսային տեսուչ-իրավաբանի կողմից 22.06.2021 թվականին Քաջիկ Մինասյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 195-րդ հոդվածի հատկանիշներով:

Նշանակվել է գործի քննություն 26.07.2021 թվականին ժամը 11:00-ին: Տրանսպորտային միջոցի հայտարարագրման ժամանակ իր կողմից նշված հասցեով վերջինիս ուղարկվել է ծանուցագիրը և արձանագրությունը, սակայն ծրարը ետ է վերադարձել:

Գործի քննության շրջանակներում թիվ /22-4/38001-2021 գրությամբ հարցում է կատարվել ՀՀ ոստիկանության անձնագրային և վիզաների վարչություն՝ Հայաստանի Հանրապետության քաղաքացի Քաջիկ Մինասյանի (անձնագիր՝ AS0539698, ծնված՝ 01.01.1966թ.) ՀՀ-ում հաշվառված լինելու վերաբերյալ տեղեկություններ ստանալու համար:

Պատասխան գրությամբ հայտնել են, որ ՀՀ ոստիկանության անձագրային և վիզաների վարչության բնակչության պետական ռեգիստրի տվյալների համաձայն՝ քաղաքացի Քաջիկ

Խաչատուրի Մինասյանին ծնված՝ 01.01.1966թ. ՀՀ ոստիկանության ԱՎ վարչության կողմից 13.13.2019թ. տրվել է AS սերիայի թիվ 0539698 անձնագիրը: 14.08.2019թ. հանվել է ք.Երևան, Նոր Նորքի, Մոլդովական փ. շենք 3, բն.103 հասցեի հաշվառումից:

Թիվ /22-4/38013-2021 գրությամբ հարցում է կատարվել ՀՀ կադաստրի կոմիտե՝ Հայաստանի Հանրապետության քաղաքացի՝ Քաջիկ Խաչատուրի Մինասյանի (անձնագիր՝ AS0539698, ծնված՝ 01.01.1966թ.) անվամբ՝ ՀՀ-ում գրանցված գույքի վերաբերյալ տեղեկատվություն՝ ըստ հասցեների ստանալու համար:

Պատասխան գրությամբ հայտնել են, որ ըստ Կադաստրի կոմիտեի էլեկտրոնային արխիվի տվյալների՝ քաղաքացի Քաջիկ Խաչատուրի Մինասյանի (անձնագիր՝ AS 0539698, ծնված 01.01.1966 թ.) անվամբ ՀՀ տարածքում անշարժ գույքի նկատմամբիրավունքի պետական գրանցում կատարված չէ:

ԵԱՏՄ մաքսային օրենսգրքի 87-րդ հոդվածի 1-ին կետի համաձայն՝ Միության մաքսային սահմանը հատելուց հետո ապրանքները պետք է փոխադրողի կամ անձնական օգտագործման ապրանքներ տեղափոխող անձի կողմից հասցվեն ժամանման վայր կամ սույն Օրենսգրքի 10-րդ հոդվածի 3-րդ կետում նշված այլ վայրեր:

ԵԱՏՄ մաքսային օրենսգրքի 144-րդ հոդվածի 1-ին մասի համաձայն՝ ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային մարմնից պետք է հասցվեն նշանակման մաքսային մարմին (այսուհետ՝ մաքսային տարանցման ժամկետ):

Նույն հոդվածի 3-րդ մասի համաձայն՝ մաքսային տարանցման առավելագույն ժամկետը չի կարող գերազանցել 1 ամսում 2 հազար կիլոմետր հաշվարկով սահմանվող ժամկետը, կամ «մաքսային տարանցում» մաքսային ընթացակարգով ձևակերպվող ապրանքների փոխադրման առանձնահատկությունների հաշվառմամբ Հանձնաժողովի կողմից սահմանվող ժամկետը:

Օրենսգրքի 151-րդ հոդվածի 1-ին կետի 1-ին ենթակետով սահմանվում է՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է՝ ուղարկող

մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

Օրենսգրքի 151-րդ հոդվածի 1-ին մասի համաձայն՝ «մաքսային տարանցում» մաքսային ընթացակարգի գործողությունն ավարտվում է ուղարկվող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

Նույն օրենսգրքի 154-րդ հոդվածի 1-ին մասի համաձայն՝ «մաքսային տարանցում» մաքսային ընթացակարգով ձևակերպված բոլոր ապրանքները և դրանց առնչվող փաստաթղթերը ապրանքների առաքման վայր չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի մաքսային մարմինը, «մաքսային տարանցում» մաքսային ընթացակարգին համապատասխան, իրականացրել է ապրանքների բացթողումը:

Ապրանքների՝ «մաքսային տարանցում» մաքսային ընթացակարգին համապատասխան փոխադրման (տրանսպորտային փոխադրման) ժամանակ պարտականությունները չկատարելու այլ դեպքերում, այդ թվում՝ «մաքսային տարանցում» մաքսային ընթացակարգով ձևակերպված ապրանքների մի մասը տեղ չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի տարածքում հայտնաբերվել է խախտումը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը՝ առաջացնում է տուգանքի նշանակում՝ 100,000 դրամի չափով:

ՀՀ մաքսային օրենսգրքի 219 հոդվածի 2-րդ մասի ուժով սույն վարչական գործը քննվել է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անձն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Այսպիսով, վարույթի նյութերով հիմնավորվում է, որ Քաջիկ Մինասյանի անվամբ թիվ 05100033/020621/0017366 տարանցման հայտարարագրով ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնում ձևակերպված տրանսպորտային միջոցը և ուղեկցող փաստաթղթերը Քաջիկ Մինասյանի կողմից սահմանված ժամկետում չեն հասցվել նշանակման վայր, ինչով պայմանավորված վերջինս թույլ է տվել ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

#### Ո Ր Ո Շ Ե Ց Ի

1. ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտում կատարելու համար Քաջիկ Խաչատուրի Մինասյանին ենթարկել վարչական պատասխանատվության՝ տուգանելով **100.000 ՀՀ դրամի** չափով:
2. Որոշման մասին հայտնել Քաջիկ Մինասյանին:

3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուլանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ Ժ/Պ



ԴԱՎԻԹ ԲԵԳԻՆՅԱՆ